

CONSELLERÍA DE EDUCACIÓN E ORDENACIÓN UNIVERSITARIA

Orde do 23 de xuño de 2009 pola que se anuncia a convocatoria pública para a provisión, polo sistema de libre designación, de postos de directores e directoras de centros integrados de formación profesional.

A Lei orgánica 5/2002, do 19 de xuño, das cualificacións e da formación profesional, ten por obxecto a ordenación do sistema integrado de formación profesional, cualificacións e acreditación que responda ás demandas sociais, con eficacia e transparencia, a través das diferentes modalidades formativas.

Esta lei no punto 5 do seu artigo 11 establece que a dirección dos centros integrados de formación profesional de titularidade das administracións educativas, será nomeada mediante o procedemento de libre designación, pola Administración competente, entre funcionarios públicos docentes, conforme os principios de mérito, capacidade e publicidade, unha vez consultados os órganos Colexiados do centro.

O Decreto 266/2007, do 28 decembro, polo que se regulan os centros integrados de formación profesional na Comunidade Autónoma de Galicia establece no seu artigo 13.1º que a dirección dos centros integrados de titularidade pública será provista polo procedemento de libre designación. No caso dos centros integrados de titularidade da Administración educativa, o nomeamento efectuarase entre funcionarios e funcionarias docentes, consonte os principios de mérito, capacidade e publicidade, e logo do informe dos órganos Colexiados do centro.

Pola súa banda, a Orde do 22 de xaneiro de 2009 pola que se regula a organización e o funcionamento do Consello Social dos centros integrados de formación profesional de Galicia, no seu artigo 1 define o Consello Social dos centros integrados de formación profesional de Galicia como o órgano de participación que impulsa a colaboración entre a sociedade galega e estes centros mediante a determinación das necesidades do seu contorno, coa finalidade de contribuír eficazmente ao desenvolvemento social, profesional, económico, tecnolóxico e cultural de Galicia, á mellora da calidade do servizo público da formación profesional e á obtención dos recursos precisos para procurar a súa suficiencia económica e financeira.

A mesma norma define no seu artigo 2 as funcións do órgano incluíndo na súa letra e) a de emitir informe das candidaturas con carácter previo ao nomeamento do director ou da directora do centro.

Así mesmo, o Decreto 29/2007, do 8 de marzo, polo que se regula a selección, nomeamento e cesamento dos directores e directoras dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación, no seu artigo 3.3º establece que o nomeamento da dirección dos centros integrados de formación profesional se axustará ao establecido no artigo 11.5º da Lei orgánica 5/2002, do 19 de xuño, das cualificacións e da formación profesional.

Existindo centros integrados de formación profesional dependentes da Consellería de Educación e Ordenación Universitaria nos que a dirección rema-

ta o mandato o 30 de xuño de 2009, e de acordo co que antecede, esta consellería

DISPÓN:

Primeiro.-Anunciar a convocatoria para nomear, polo sistema de libre designación, a dirección dos centros públicos integrados de formación profesional que se relacionan no anexo I.

Segundo.-*Requisitos dos candidatos.*

Para participar nesta convocatoria deberán reunirse os seguintes requisitos:

a) Ser funcionaria ou funcionario de carreira dun corpo docente a que se refire a Lei orgánica 2/2006, do 3 de maio, de educación.

b) Estar en situación de servizo activo.

c) Ter unha antigüidade de polo menos tres anos como funcionaria ou funcionario de carreira na función pública docente.

Terceiro.-*Solicitudes.*

A solicitude de participación nesta convocatoria dirixirase á Dirección Xeral de Educación, Formación Profesional e Innovación Educativa da Consellería de Educación e Ordenación Universitaria e presentarse no Rexistro Único da Xunta de Galicia, nos seus departamentos territoriais, ou nas oficinas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de 15 días hábiles, contados a partir do seguinte ao da publicación desta orde no *Diario Oficial de Galicia*, segundo o modelo que se inclúe como anexo II.

Cuarto.-*Documentación.*

Os aspirantes deberán xuntar á petición un *curriculum vitae* e xustificar, mediante certificación ou copia compulsada, os méritos que aleguen.

Quinto.-*Nomeamento.*

1. A resolución desta convocatoria farase pública no *Diario Oficial de Galicia* e poderán declararse desertas as direccións, de considerarse oportuno.

2. O Consello Social dos centros integrados de formación profesional de Galicia e o claustro de profesores emitirá informe sobre as candidaturas que se presenten con anterioridade ao día 6 de setembro de 2009.

3. A non emisión do informe referido no punto anterior non impedirá a resolución do procedemento.

4. O director xeral de Educación, Formación Profesional e Innovación Educativa da Consellería de Educación e Ordenación Universitaria procederá a nomear directores ou directoras a aqueles candidatos seleccionados na resolución desta convocatoria.

Sexto.-Contra esta orde, que pon fin á vía administrativa, os interesados poderán interpoñer potestativamente recurso de reposición perante o conselleiro de Educación e Ordenación Universitaria, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido na Lei 30/1992, do 26 de novembro, ou poderán interpoñer directamente recurso contencioso-administrativo perante o xulgado do contencioso-administrativo competente no prazo de dous meses contados a partir da mesma data, segundo o establecido na Lei 29/1998, do 13 de xullo, reguladora da xurisdición contencioso-administrativa.

Disposicións adicionais

Primeira.-Os nomeamentos das actuais direccións dos centros integrados de formación profesional relacionados no anexo I quedan prorrogados ata a resolución desta convocatoria.

Segunda.-Resulta de aplicación ás persoas directoras dos centros integrados de formación profesional o Decreto 120/2002, do 22 de marzo, polo que se regula a consolidación parcial do complemento específico de dirección de centros escolares públicos.

Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 23 de xuño de 2009.

Jesús Vázquez Abad
Conselleiro de Educación e Ordenación
Universitaria

ANEXO I**Relación de centros integrados de formación profesional**

A Coruña	A Coruña	15024513	CIFP Someso	A Coruña
A Coruña	A Coruña	15022607	CIFP Ánxel Casal - Monte Alto	A Coruña
A Coruña	Fene	15032583	CIFP de Fene	Fene
A Coruña	Ferrol	15006778	CIFP Rodolfo Ucha Piñeiro	Ferrol
A Coruña	Santiago de Compostela	15016000	CIFP Compostela	Santiago de Compostela
A Coruña	Santiago de Compostela	15015767	CIFP Politécnico de Santiago	Santiago de Compostela
Lugo	Ribadeo	27020793	CIFP Porta da Auga	Ribadeo
Ourense	Ourense	32015050	CIFP A Farixa	Ourense
Pontevedra	Ponteareas	36007552	CIFP A Granxa	Ponteareas
Pontevedra	Pontevedra	36020064	CIFP Carlos Oroza	Pontevedra
Pontevedra	Vigo	36014568	CIFP Valentín Paz Andrade	Vigo

ANEXO II

SOLICITUDE DE PARTICIPACIÓN NA CONVOCATORIA DE LIBRE DESIGNACIÓN PARA A SELECCIÓN E NOMEAMENTO DA DIRECCIÓN DOS CENTROS INTEGRADOS DE FORMACIÓN PROFESIONAL NA COMUNIDADE AUTÓNOMA DE GALICIA

1. DATOS PERSOAIS

PRIMEIRO APELIDO		SEGUNDO APELIDO		NOME	
DNI/NIF/NIE...		ENDEREZO POSTAL (Rúa ou praza e número)			
LOCALIDADE (con código postal)		PROVINCIA	TELÉFONO FIXO	TELÉFONO MÓBIL	
XÉNERO <input type="checkbox"/> HOME <input type="checkbox"/> MULLER		ENDEREZO DE CORREO ELECTRÓNICO			

2. DATOS DO DESTINO**DESTINO DEFINITIVO**

CORPO/ESCALA Á QUE PERTENCE	ESPECIALIDADE	CENTRO DESTINO DEFINITIVO	

DESTINO PROVISIONAL

CORPO/ESCALA Á QUE PERTENCE	ESPECIALIDADE	CENTRO DESTINO PROVISIONAL	

3. CENTROS DOCENTES QUE SOLICITA POR ORDE DE PREFERENCIA

ORDE	CÓDIGO	CENTRO	CONCELLO
1			
2			
3			
4			

A/O abaixo asinante solicita ser admitida/o na convocatoria de libre designación para a selección e nomeamento da dirección dos centros integrados de formación profesional na Comunidade Autónoma de Galicia e DECLARA que son certos os datos consignados e que reúne as condicións exixidas.

En _____, _____ de _____ de 20_____

Sinatura do solicitante

DIRECTOR XERAL DE EDUCACIÓN, FORMACIÓN PROFESIONAL E INNOVACIÓN EDUCATIVA



XUNTA DE GALICIA
CONSELLERÍA DE EDUCACIÓN
E ORDENACIÓN UNIVERSITARIA